



**G**eorgius ille in Bauaria ex honesta, antiqua, & illustri familia natus fuit. Is à teneris annis armorum exercitia secutus, tandem suis uirtutibus magnum nomen comparauit. Nam cum Carolus Imperator Tunetum proficisceretur, ipse ei expeditioni anno 1536 interfuit, atq; multa suæ fortitudinis documēta edidit. Id cum Carolus intellexisset, eum equitem auratum constituit, & militaribus ornamentis decorauit. Pari dexteritate Georgius in reliquis bellis, quæ Carolus apud externos & in Germania gessit, interfuit, ordines duxit, & Imperatori strenuā operam nauauit. Itaq; Bauariæ dux eum plurimùm dilexit, atq; in suo oppido Ingol-

stadio, quod ad Danubium multis propugnaculis munierat, præfectum ordinauit, non tam ob militaris disciplinæ, quàm munitionum & architecturæ insignem peritiã. In eo loco Georgius etiamnum præsidet, atque res sibi commissas fideliter administrat, ita ut passim apud finitimos in magna existimatione existat. A-

nonim,